

## دارالفنون

# حقوق اقتصادیات

حقوق اقتصادیات

ایکی آبدہ بر نشر اولنور

مندرجات

### قسم حقوق :

|                                                  |            |
|--------------------------------------------------|------------|
| اسو مجرہ قانون مدنیسنہ نظراً ھبہ . . . . .       | حاجی عادل  |
| ای وفتا بودجه اصولاری . . . . .                  | وصفی راشد  |
| فرانسهده احوال مدنیہ معاملات و سجلاتی . . . . .  | صدیق سامی  |
| فرانسهده شورای دولت . . . . .                    | وصفی راشد  |
| اسو مجرہ قانون مدنیسی شرحی . . . . .             | وصفی راشد  |
| میراثک قضاء تقسیمی . . . . .                     | مصطفی رشید |
| المالیاده وصایت ایشلری ووصایت محکمہلری . . . . . | صبری       |

### قسم اقتصادی :

|                                 |                     |
|---------------------------------|---------------------|
| استقراض و دیون عمومیہ . . . . . | عینی زاده حسن تحسین |
|---------------------------------|---------------------|

استانبول — یکی مطبعہ

۱۳۴۴ — ۱۳۴۱

## استقراض و دیون عمومی

مابعد

فائز تینک اتخانی . — هر نه اولورسه اولسون باشند آشانی تحویلات اخراج اولوتوبده وعد اولنان فائز مقداری صنعی و غیر حقیقی اولورسه ، دولت ترجیح ایده جکی مقدار فائزی انتخابده مختاردر . یعنی  $\frac{5}{100}$  ،  $\frac{4}{100}$  ،  $\frac{3}{100}$  فائزله بر تحویل اخراج ایده بیلیر . بو ترجیح و انتخابده عامل و مؤثر اولان احوال بوجه آتیدر :

اولاً " یوکک فائز وعد ایدرک دولت باشه ده یقین اخراج ایده بیلیر ؛ اوحالده باشه باش فیأته دها چابوق بیتشیلیر . بوا یسه دولتی تحویل دیون اجراسنه اقدار ایلر . بوندن بشقه اگر بورجی اوده مک ایسترسه تأدیه پریمی ده از اولور .

ثانیاً بالعکس موعود اولان فائز از اولور ایسه دولت بالجوریه باشند اولدجه اوزاق اخراج ایلر . بوا یسه یوقاریکی سیستمده بیان ایتدیکمز فوائدہ تمامیلہ ضد محذورلری دعوت ایدر . مع مافیہ بواصول استقراضک صاتیلمسنی تسهیل ایده بیلیر . زیرا استقراضه اشتراک ایدنلر باخصوص سه کولاتورلر اولدجه واسع برترفع امید ایدرلر . قرآنسده مختلف تب فائزلر برآراده موجود اولدقدن صکره ۱۹۱۴ سنه سندن اول متوالی تحویل دیونلر نتیجه سنده هم دائمی ، هم قابل اطفا یالکز  $\frac{3}{100}$  تبی قالمشدر . پاره کیراسنک تزیایدنی تعقیب ایچون بالآ خره یکیدن تیپلرینی تنويع ایله مش و ۱۹۱۴ سنه سندن بری  $\frac{3}{100}$  ،  $\frac{4}{100}$  ،  $\frac{5}{100}$  فائزله عقد استقراض ایتمشدر . [\*]

[\*] توحید دیون مسئله سی . — ایضاحات سالفیه فائز تبیلرینک توحیدی مسئله سی مربوطدر . بر دولیک تکمیل دیوننک یالکز بر فوندوده مثلاً  $\frac{3}{100}$  ده توحیدی ایمیدر ؟ یوقسه مختلف فوندولرده مثلاً  $\frac{3}{100}$  ،  $\frac{4}{100}$  ،  $\frac{5}{100}$  ده اولمسیجی موافقدر ؟ توحید لهنده دلائل آتیه سرد اولنه بیلیر :

اولا اعتبار سیستمده آشکار بر سادهاک موجود اولور . ثانیاً تحویلات پیاسه سی ، مختلف فوندولر اولدیفندن ، دها واسع یولونه جنی جهتله دها منظم ، تحولاته ده از مستعد ، وفیائتلر دها ثابت و مستقردر .

ثالثاً مختلف فوندولرک عینی زمانده موجودیتی آجیوبی تشویق ایلر .

رابعاً عینی زمانده مختلف فوندولر موجود اولورسه متقابلاً یکدیگرینی اضرار ایده بیلیرلر :

مدت دوامنه نظراً استقراضاتك انواعی : استقراضات دائمه و قابل اطفاف استقراضلر . —  
 بو خصوصده استقراضات دائمه ایله قابل اطفاف استقراضاتی برزندن ایجه تفریق ایتك  
 لازمدر . ایراد دائمی صورتنده اولان استقراض افراد واشخاص آراسنده اولدجه نادر  
 اولدینی حالد بهالعکس دولترلر طرفندن علی الاکثر قبول ایدلش برپیدر . بو حالد به  
 ایراد احداث اولونمش دیمکدر . یعنی فرانسه قانون مدیسینک ۱۹۰۹ نجی ماده سیله مواد  
 متعاقبه سنه توفیقاً بر مقاوله عقد ایدلش و بمقاوله یه نظراً معترض اعاده سی طلبیدن فراغت  
 ایلدیکی بر سرمایه یه مقابل فائض آلمنی قبول ایتش ، مستقرض ایسه بوسرمایه یی هر نه  
 زمان ایسترسه تأدیه ده مختار بولونمشدر . [\*] اگر کله ره ضیق بر معنا ویریه جك اولورسه

باشه یا قلاشان و یا خود باشه واصل اولان فوندو قدرت صاعده سی غائب ایدر . زیرا باشه  
 باش تأدیه احتمالی آلتنده در . و آلاستیفیتك نقصانی باشند دها اوزاق اولان دیگر فوندولرك  
 یو کس لمرخی مستحیل قیلار . ۱۸۶۲ ده کی فولد تحویلک اعتراف اولنان غایه سی  $\frac{1}{4}$  و  $\frac{1}{4}$  و  $\frac{1}{4}$   
 فائضی قالدیرمق ایدی . زیرا بو فوندولی باشه یاقین اوله رق دور دقندن  $\frac{3}{4}$  لی فوندویه ضرر  
 ویرور ایدی . دیگر طرفدن فوندولرك تعددینک دیگر برطاقم فوائدی ایجاب ایتدیکی آشکاردر .  
 اولاً عرض ایدیان تیلرك تنوعی و تخلفی خلقک مختلف اولان اذواقه دها موافق و ملائم کلیر .  
 بعض سپه کولانورلر دها دون برتبی مثلاً یوزده ایکی یحق و یا اوچی ترجیح ایدرلر زیر بو فوندولر  
 دها آشاغی بر فیئات ایله مقید اولدیغندن چوق بر تر رف احتمالی عرض ایلر . بعض راتیه لر دها بوکسک  
 برتبی مثلاً  $\frac{3}{4}$  و یا  $\frac{5}{4}$  ی ترجیح ایلرلر کرچه بونر باشه دها یاقین اولدقلى ایچون تر رف فیئات  
 احتمالی آراسه ده فیئانه نظراً احتمال که  $\frac{3}{4}$  تپندن دها کارلیدر . ثانیاً باشند آشاغی بر فیئاتله  
 اخراج یاپیلحق ارزو اولنمازسه ( زیرا دولتك اعتباری هر استقراض زمانده احتمال که عینی دکلدن)  
 مختلف تیلر ده استقراض ایتك لازمدر . دولت بعضاً  $\frac{1}{4}$  و یا  $\frac{3}{4}$  ایله بعضاً  $\frac{1}{4}$  و یا  $\frac{3}{4}$  ایله  
 باره بولور .

ثالثاً دینک اقسام مختلفه سنه بر خصوصیت و شخصیت ویریه رك فوندولرك تنوعی آمورتیسمان  
 و یا توحید دیونی محدود مقدارده تحویلانه حصر ایتك امکانی بخش ایدر . آمورتیسمان و یا توحید  
 دیون دینک تمامی محتوی اولورسه جسامتندن ناشی بومعامله بعضاً غیر ممکن اولور .

بو صوک نقطه اوزرنده شو جهتی نظر دفته وضع ایتك لازم کلیر که دین یالکین برتبی بیله  
 حاوی اولسه نومرولی سه ریلره ، خصوصی فیئاتلرله مقید اولقی اوزره مختلف قسملره آیرلمسی پك  
 فائده لیدر . چونکه آمورتیسمان و یا تحویل دیون معاملاتی شو و یا بوسه ریلره و یا قسملره حصر اولنه بیلور .

[\*] بالطبع کندیسنی مدیون طائیدیقی مقدار سرمایهی اوده به جکدر . فی الحقیقه آلتان سرمایه نك  
 سرمایه اعتباریدن جزئی اولمنك هیچ اهمیتی یوقدر . نته کیم باشند آشاغی استقراضاتده بو حال  
 واقع اولور . فی الواقع طرفین آره سنده کی افادات و بیانات احتجاجه صالح طوتیلور .

بوحالده رانت یالکز رانته نقطه نظرندن دائمدر ، چونکه رانته سرمایه سنک تأدیه سی طلب ایدمز . فقط سرمایه یی هر نه زمان ایسترسه ویرمک حقنه مالک اولان دولت نقطه نظرندن رانت دائمی دکدر [\*] تحویل دیون ایله اطفای دیون معامله سندن بحث ایدرکن بوجیه عودت ایدم جکر .

دیون دائمه نک دولترجه اسباب ترجیحی . — دولتر طرفندن دیون دائمه نک ترجیح ایدلسی بوجه آتی اسبایدن طولای ایضاح اولنور :

اولا دائمی رانتک اگر مقاوله دولت ایله عقد ایدلمش ایسه افراد آراسنده کی منعقد اولدییی زمان موجود بولان محاذیری یوقدر . مقرض رانتک سرویسی حقنده ، اگر بورجلیسی بر فرد ایسه ، مراق ایدم بیلیر . چونکه بلکه بورجلیک ورثه سی تأدیه دینه غیرمقتدر بحالده بولنورلر حالبوکه دولت دائماً موجود وباقیدر . بوندن باشقه مقرض سرمایه سه محتاج اولنجه ومستقرض سرمایه یی تأدیه موافقت ایتنهجه صیقیه بیلیر . اوحالده آله جفی یاره یایمق ایچون بر شخص ثالثه صاتمق لازم کلیرکه دیون خصوصیه موضوع بحث اولونجه بوده قانون مدینک ۱۶۹۰ نجی ماده سه نظرأ اولدجه قاریشیق یر معامله یی ایجاب ایدر . ذاتاً دیون خصوصیه ایچون مشتری بولمق ده پک امین دکدر . بالعکس رانته تحویلاتی بورسه ده هر هانکی دقیقه ایسترسه همان صاته بیله جکندن امیندر . ایدم دیون دائمی رانت صاتمق خصوصنده هر هانکی نوع رانندن دها آزمشکلاته معروض قالیر . ثانیاً دیون دائمه دولتی پک مساعد بر موقعه قویار . چونکه داینه سرمایه نک تأدیه ایدیه جکی زمانی کنیدیسی انتخاب ایلر . حالبوکه داین دولتی تأدیه سرمایه یی جبر ایلیمز . ثالثاً موافق کوردیکی زمان تحویل دیون معامله سنک اجراسنی ممکن قیلار . برآز آشاغیده کوریه جکی وجهله قابل اطفای استقراضانده تحویل دیون معامله سنک مشروعیتی برچوق مشکلاته باعث اولور ؛

رابعاً یالکز زمان ایله دیون دائمه یوکی کنیدی کنیدنه خفیله مکه میالدر : اول

[\*] بوبیده ایوم اعتباردن ساقط اولمش مخالف بر فکرده موجوددر ، کذلک ( لافیت ) ک فکرینده سرد ایدم :

لافیت دولت ایله رانته آراسنده کی مقاوله یی تصادفی Aléatoire بر مقاوله کی تلقی ایدیور بوندن بوجه آتی غریب بر نتیجه چیقاریلیرکه اگر فیثانلرده ترفع اولورسه بورانته یی عائددر ونه وقت که رانت بورسه ده باشند یوکسک بر فیثانله قید اولورسه دولت بونی آنجق حقیقی فیثانله یعنی باشند فضله فیثانله تأدیه ایدم بیلور .

امرده مرتبات سنویه نك تسویه سنه مخصوص اولان ذی قیمت معادن ، یکی یکی معدنلر ایشله دیلرک دنیانك نقد موجودی چوغالدینی نسبتنده ، قیمتلرینی جسته جسته غائب ایدرلر (\*) بوندن بشقه ثروت عمومی نك ترقیسی حسبیه بار دیون تخفف ایتسه بیله ، مملکت بویوکی ده قولا ی تحمل ایدر .

بوکا مقابل استقراض دائمیك برقصوری واردر . اوده دولت مقاوله ایجابجه معین برمهل ظرفنده بورجی اطفا ایتمهک مجبور اولمادیغندن احای دیون ایچون صرف غیرت ایتدن نسبتسز بردرجده دیونك زیاده لشمسنه سبب اولور .

قابل اطفا استقراضاتك انواعی . - فوائد و محاذیری . - قابل اطفا استقراضات اسمنك ده دلالت ایتدیکی اوزره بعض سنه لر نهایتنده تمامیه اوده نمسی ایجاب ایدن استقراضلر در . بو استقراضك مخیلف نوعلر واردر . مثلا ( انككترده تطیق ایدلیدیکی کبی ) عمری رانتلر اخراجی ، محدود سنه لرده تأدییه ایدلک اوزره رانتلر اخراجی ( بونده دولت هر سنه فائضدن بشقه برآمورتیسمان بریمی تشکیل ایده جك فضله برشی ویرر شویله که اولجه تعیین ایدلش اولان برقاج سنه نهایتنده سرمایه کاملاً اطفا ایدلش اولور . ) برده الیوم اك چوق مستعمل اولان قرعه کشیده سی طریقیه معین مهتلر ظرفنده اطفاسی مشروط تحویلات اخراجی ؛ فرانسه نك ۱۸۷۸ سنه سنده احداث ایتدیکی  $\frac{3}{100}$  فائضی ، ۱۹۱۴ سنه سنده کی  $\frac{3,5}{100}$  فائضی ، ۱۹۲۰ سنه سنده کی  $\frac{5}{100}$  فائضی تحویلاتی هب بو سیستمه مده در .

قابل اطفا استقراض وهله اولاده استقراض دائمی به پك فائق کورینور ، زیرا معین برمدت نهایتنده دینك اوده نمسی اقتضا ایلر . بوندن بشقه آمورتیسمان اولدجه اوزون سنه لره توزیع و تقسیم ایدلش ایسه ( مثلا ۷۵ سنیه ) قابل اطفا استقراضك تقاسیط سنویه سی دائمی استقراضك تقسیطلرندن دها آغیر دکلدر . فی الحقیقه بو حالده فائضه اوفاجق برشی ضمی ، مدت نهایتنده استقراضی تمامیه اوده مک ایچون ، کافی کلیر . بو صورته دولت دیوندن استخلاصی پك اوجوز صانون آلمش اولور .

مع مافیه قابل اطفا استقراض آمورتیسمان اصوللرینی ایضاح ایدر کن تشریح و توضیح ایده جکمز پك جدی برمشکلاته معروضدر . اوده اوتوماتیک برآمورتیسمان اولسیدر . برده تحویل دیونك قابل اجرا اولماسی کبی دیگر برمحذوری دخی واردر .

(\*) شبهه یوقدرکه بو ملاحظه مملکت اوراق نقدیه اصولنده یشادینی زمان عقد اولنان دیونه قابل تطیق دکلدر . زیرا بو حالده امر بیهتون برعکسدر .

آموختنی شویا بو اصولده برطاق سنه لره آریلان قابل اطفای استقراضلرک یاننده معین برمدته تمامیه اوده ن استقراضلردن ده بحث ایتک، موافق اولور . بونلر عمومیتله آز اهمیت اولان استقراضلردر . ( زیرا بشقه صورتله اولسیدی دولت بردفعه ده بو بورجی اوده مکهمقدر اولامازدی ) . فرانسه ده بونوع استقراضلرک نمونه سی خزیننه تحویلاتیدر .

### استقراض تحویلاتی اضرائی مقننه فرانسز اعظم قانونیسی ، فرانسز رانتک امتیازاتی و معافیاتی

مختلف استقراض تیپلرینی مختصراً بیان ایتدکن صکره استقراضات بحثنده فرانسز احکام قانونیه سندن ده برآز بحث ایتک ایجاب ایدر . شویله که اولاتحویلات اخراجی ایچون مقتضی عقود نهلردر ؟ . ثانیاً دولتک کندی داینلرینی مستفید ایتدیکی باشلیجه امتیازات نهلردر ؟ . بوجهت لری مطالعه ایده جکر .

براستقراض اساس اعتباریه اوچ نوع وثیقه به محتاجدر : بر قانون ، برقرارنامه ، مالیه نظارتک برامری .

#### ۱

استقراض قانونی . - قانونک موضوعی استقراضه مساعده ویرمکدر . علی العاده بروجه آتی محرر اولور : « مالیه نظارتی ... لقی برسر مایه بی حصوله کتیرمکه مقتضی رانت اوراقی اخراج ایتککه مأذوندر . » [\*] قانون برقاچ نقطه نظر دن لازمدر : اول امرده ملتی برتعهد آتته وضع ایدر . فی الحقیقه تأمینات ویرمهدن مقرض بولوق ممکن دکلددر . تأمینات یا مادی اولور ، یاخود معنوی ، عمومیتله امور مالیه لری دوزکون اولمایان مملکتلرده تأمینات مادی اولور . بو مملکتلر بورجلرینه رهن ویرمکه مجبور اولورلر . مثلاً استقراضه رسومات وارداتی ، املاک دولت حاصلاتی قارشولوق ویررلر .

[\*] یاخود اگر غیر محدود براستقراض موضوع بحث ایسه : « مالیه نظارتی دیون عمومیه نک دفتر کیرنده کی برقسم مخصوصه ۶٪ ( یاخود ۵ ، ۵ ، ۵ ) فائضی دائمی ویا قابل اطفای رانت یازدیرمکه مأذوندر »

(اسپانیاده جیوه معدنلری حاصلاتی بر استقراضه قارشواق کوسترلش ایدی) [\*]  
اعتباری یرنده اولان و ثروتی امنیت القا ایله این مملکتلر سوزلرندن بشقه تأمینات  
ویرمزلر. ایشته بوسوز ملتی مقرضلره قارشو مدیون طانیان بر قانون ایله ویریلور.  
بوندن بشقه قانون استقراضك مرتبات سنویه سی مصارفی حکومتك تعهد ایتمی ایچون  
دخی لازمدر. زیرا پارلمنتونك موافقتی اولمادجقه حکومتك بویه بر تعهد آئنه کیرمی  
ممکن دکلدر. [\*\*] والاحاصل، قانون عادیا تپی ایکی نقطه نظره کوره تعیین ایلر:  
أ، استقراض ۶، ۵، ۴ فائضی اولمق؛ ب، استقراض مؤید ویا قابل اطفا بولونمق.

قرارنامه — قرارنامه قانونی متعاقب مالیه ناظری طرفندن احضار اولنور. و بوناظرک  
اک مهم و نازک بروظیفه سیدر. قرارنامه اخراجك طرز و صورتی فی اخراجی تعیین و تثبیت  
ایلر؛ اخراجك طرز و صورتی: مثلاً استقراض طوغریدن طوغری به بورسده بازارلق  
ایدیلور، یاخود بر اشتراك عمومی ایله اجرا اولونور. هرکس عادی بر تأمینات تأدییه سی  
مقابلنده استقراضه اشتراك ایده بیلور. فی اخراجه کلنجه: استقراض باشه باشمی، یوقسه  
باشدن آشاغیمی چیقاریله جق، بو صوک حالده قاچه اخراج اولونه جق؟ بو مسئله پک  
مشکلدر و مالیه ناظرینك پیاسه نك حالته دائر خصوصی معلوماته مالک اولمی لازمدر.  
فی الحقیقه قبول اولنان فی اخراج پک دون اولورسه دولت ضرر ایدر. اگر پک یوکسك  
ایسه مقرضلری نومید ایلر و استقراضك موفقیتنی تهلیکویه القا ایدر.

مالیه نظارتینك امرنامه سی — مالیه ناظرینك امرنامه سی ده تفرعاته متعلق مسائلی  
تنظیم ایلر. ازان جمله اشتراك عمومینك تاریخ کشاد و سدی - اشتراك محللری (مثلاً  
تکمیل تحصیل شعباتده) - اگر استقراض بر قاچ دفعه فضله ایله قباه جق اولورسه محتمل  
تغزیلاتی - غیر قابل تغزیل، اشتراکات مقادیری - جسته جسته وقوع بولان تأدیات  
ایچون وعده لری - بشین پاره ویرمك ایسته یین داینلره کوستریله جك سهولت - تأمینات

[\*] داینلره مادی بر رهن ویرمك دولتک اعتباری خللدار ایتکدر بوندن بشقه رهنه نظارت  
ایچون علی الاکثر داینلرک دولتک اموریته مداخله سنی ایجاب ایدر. مثلاً ۱۸۷۰ محاربه سندن  
صکره حکومت داینلریته مادی رهن ویرمك ایچون بحق اصرار ایله مش ایدی. حالبوکه بوسورتله  
بر رهن اعطاسی فکری بعض طرفلردن تلقین اولونمش ایدی.

[\*\*] ۳۱ مایس ۱۸۶۲ تاریخلی قرارنامه نك ۱۹۶ نجی ماده سی: «رانت احدائی ایچون

هیچ بر معامله قیدییه بر قانون مخصوص اولمادجقه اجرا اولنه ماز.

تأدياتك مقدارى . تأمينات تأدياى ديه حين اشتراكده سهم باشنه ويريلاهك على الحساب پاره يه ديرلر . مثلاً اشتراك ايديلهك اون بش فرائق رانت ايچون بش فرائق .  
تأمينات تأدياى اشتراك ايدنلرك جديتنى تأمين ايچون لازم بر واسطه در . مع هذا اكر استقراض برقاج دفعه فضله قيامش و اشتراك ايدنلردن تنزيلات ياپيلمش ايسه بر محذورى واردر : اولاً دولت ايچون بر محذور . چونكه تكميل اشتراك ايديلن مقدارى اعاده يه مجبوردر ؛ بوايه دوائر واقلام ايچون بك بويوك بر سعي استلزام ايلر ؛ ايسته نيلن تحويلاتك تمامنى آلايمان مشتريلر ايچون محذور . زيرا تأديه ايتدكلرى مبلغك ، اعاده زمانه قدر ، فائضى غائب ايدرلر . بوندن باشقه غيرقابل تنزيل كوچك اشتراك سيستمى معدل كى قبول اولونمازسه ( مع هذا بو سيستم دأماً قبول اولونور ) تأمينات تأدياى استقراضدن كوچك تصرف اربابى اوزاقلاشديرلر .

فى الحقيقه ۵٪ فائضى بر استقراض ۹۰ فرانغه اخراج ايدلمش اولسون و تأمينات تأدياى ۱۵ فرائق بولسون ، استقراضده ۱۵ دفعه فضله سيلاه قيامش اولسون . بالفرض ۵ ، ۱۰ ، ۱۵ فرائق كوچك رانتلر غيرقابل تنزيل اولمازسه هر آدم يازلدن ۱۵ تحويله قارشى آنجق بر تحويل آله جقدر . يعنى نتيجه حسابده ۹۰ فرائق بر تحويل الده ايتك ايچون ۱۵ تحويله مشتري يازلملى و بونك ايچونده ( ۱۵ ) تأمينات تأدياى ياپماليدير . بو ۱۵ تأميناتدن ۱۴ ي بالاخره كنديسنه اعاده اوله جقدر . ۱۵ دفعه ۱۵ فرائق = ۲۲۵ فرائق ايدر . بوقدر يوكسك بر پاره آوانس و يرمك فقراى ناس ايچون على الاكثر غير ممكندر .

## ۲

دولت طرفدن قبول ايديلن طرز استقراض نه اولورسه اولسون فرانسز رانتلرى - ايسر دائمى اولسون ، ايسر قابل اطفا بولونسون - بر طاقم امتيازاتى حائزدرلر . بو امتيازات سايه سنده بو رانتلرك يرلشمسى كسب سهولت ايدر و دولت رانتلرينك مشترينى چوغالدير .

- ۱ - رانتك وركولردن معافيتى . - برنجى امتياز رانتك وركولردن معافيتيدر .
- ۲ - رانتك ارباحى و تكرار استعمالى . - اموال غير منقوليه ياتيرلمسى ايجاب ايدن بالجله مبالغ رانتلره تخصيص اوله بيلير : « قانوناً ، ويا بر حكم ايله ، ويا بره قاوله نامه ايله

و یا خود همه و وصیت طریقیه اموال غیر منقولیه وضع ایدلسی ایجاب ایدن و یا مساعدده اولنان بالجمله مبالغ ، عکسی مشروط اولمادینی تقدیرده ، هر دورلو فرانسز رانتنه تخصیص اولنه بیلیر . بو حالده و طرفینک طلبی اوزرینه بورانتلرک دفتر کیرده کی قیدلرنده صورت تخصیصی صراحتاً کوسترملیدر « ۱۶ ایلول ۱۸۷۱ تاریخی بودجه قانوننک ۲۹ نجی ماده سی [\*] »  
 ۳ — رانتک حجز ایدیله مامسی . — بک مهم برامتیازده رانتک حجز ایدیله مامسی در بو امتیاز روس و ایتالیا قانونلرنده دخی موجوددر . فرانسه ده بو باده اسکی ایکی قانون وارددر . بری آلتنجی سنه نک ۸ ( نیوز ) ؛ دیگر ییدنچی سنه نک ۲۲ ( فلوره آل ) نده نشر اولونمشدر . بو قانونلره نظراً رانتلرک فائض تأدیاته اصلاً حجز وضع اولنه ماز . بالاخره وضع اولنان استقراض قانونلرنده از جمله ۱۱ حیزران ۱۸۷۸ ، ۲۷ نیسان ۱۷۸۳ ، ۱۷ کانون ثانی ۱۸۹۴ قانونلرنده « بورانتلر ، ۸ نیوز ۶ و ۲۲ فلوره آل ۸ قانونلرنده مستنداً ، حجز اولنه مازلر » دنیلمشدر .

حقیقت حالده بو حجز ایدیله مامک امتیازینک معناسی و اهمیتی ندر ؟ بو باده یکدیگریته مخالف ایکی سیستم وارددر : برنجیسی تمامیه حجز اولنه مامق ، ایکنجیسی محدود حجز اولنه مامق سیستمیدر .

برنجی سیستم : تمامیه حجز اولنه مامق . — برنجی نقطه نظر و اجتهاده کوره رانتک حجز اولنه مامسی قطعی در ؛ هر دورلو حجز ممنوعدر . بو اجتهاد ایکی ثلث افلاسندن صکره ۶ و ۷ سنه لری قانونلرینک وضع ایدلدیکی احوالدن متولددر . شبهه یوقدرکه بو قانونلر سرمایهلرینک ایکی ثلثی غائب ایدن رانت صاحبلرینه بر تضمینات ویرمک ایسته مشلر و کندیلرینه قالان ثلث سرمایهلرینی هر دورلو حجزدن مصون بر اقمشدر . بوندن باشقه اداره طرفندن بالذات قبول ایدیلن فکردن اعتباراً حجز اولنه مامق دولت طرفندن رانت صاحبلری لهنه اتخاذ اولونمش بر تدبیردر . شوصورتله دولت رانت صاحبلرینی ممتاز بر معاملیه تابع طوتمقله استقراضلرینه مشتری تأمین ایلتس اولور .

نتایج عملیه سی . — عبارات قانونیه نک و مساعی اعدادیه نک مساعد اولدینی بو طرز تفسیر عملیات و تطبیقاده بک رذالت انکیز نتایج تولید ایدر . مثلاً تاجر افلاس ایدرسه رانتلری مفلسک موجوداتی میاننده اعداد و حساب ایدیله من . تکمیل روتی دولت

[\*] بو امتیاز ۱۳ تموز ۱۹۱۱ تاریخی بودجه قانوننک ۴۴ نجی ماده سیله دولت شمندوفرلری احتیاجاتی ایچون اخراج اولنان تحویلاته دخی تشمیل اولونمشدر .

رائته یا تیران و بوضو رتله دولتدن سنوی اوج بیک فرائق ایراد آلان بر آدم بو صورتله هیچ بر بورجی اوده میه بیلیر و داینلری کندیسنه قارشی عاجز بر موقعده بولنور . بومثالاری تکثیر ایتمک ممکندر .

تطبیقات قانونیه ده اجرا اولنان تعدیلات . — بر اساس حقوقی پک بارز بر حقسزلنی انتاج ایدر سه تطبیقات قانونیه بو اساسی تعدیل ایچون بعض اصوللر احداث ایلر . ایشته محاکم عدلیه ده بو خصوصده اون طقوزنجی عصرک اواسطندن اعتباراً بوضو رتله حرکت ایتمشدر . ۱۸۵۹ دن اعتباراً محکمه تمیز افلاس مسئله سنده بر چاره دفع وازاله بولمشدر . محکمه تمیز بوجهتی نظر دفته آلدی که افلاس مفلسک اموالک اداره سندن کف ید ایتمسی ایجاب ایدر ویرینه وکیل قانونی صفیه ( سندیق ) قائم اولور و مفلس نامنه حرکت ایلر . بنابرین سندیق مفلسک رانتلرینی صاته بیلیر و بدللرینی مفلسک موجوداتی میاننده کویستره بیلیر . چونکه اشبو رانتلره وضع ید ایدن مفلسک داینلری دکلدیر ، بلکه سندیق واسطه سیله بالذات مفلسدر و داینلرینک حقنی احقاق ایچون رانتلرینی بالذات صاتمش عد و تلقی اولنور .

ایکنجی سیدتم : محدود حجز اولنه مامق . — ۶ و ۷ سنه قانونلرینه یکی بر تفسیر ویرلمشدر . شوبله که محکمه تمیز ۲ تموز ۱۸۹۴ ، ۲۳ تشرین ثانی ۱۸۹۷ و ۱۸ شباط ۱۹۰۱ سنه لرندمه اتخاذ ایندیکی مقررات ایله بواجتهادی قبول ایتمشدر .

بواجتهاده نظراً رانتک حجز اولنه مامسی کیفیتی آنحق محدود بر معناده اکلایشیله مالیدر . یعنی رانتلر آنحق خزینئه دولت طرفندن حجز اولنه ماز ، خزینئه دولت رانت صاحبنه مدیون اولدینی مبلغ اوزرینه حجز وضع ایدمه مز دیمکدر . بواجتهاد طرفدارلری دیورلر که بو ، ۶ و ۷ سنه قانونلرنده صراحة نمایاندر . فی الحقیقه بوقانونلره نظراً رانتلر حجز قبول ایتمز الخ . . . و بوقانونلر رانت صاحبلرینک منفعی ایچون دکل حکومتک نفعنه وضع اولونمشدر . واضع قانون یالکز فائض تأدیاندن اول حجز لیسته لرینی تدقیق ایتمک کلقتندن ومسئولیتدن اداره بی قور تارمق ایسته مشدر . فی الحقیقه بواداری بر تسهیلاتدن عبارتدر که اساساً رانتک حجز ایدیله مامسی برنسیبنی وضع ایتمه مش و یالکز بعض احوالده حجزک ایجاب ایندیکی بر جوق اصوللری مثلاً خزینئه حکومته قارشو واقع اولدینی تقدیرده Saisie arrêt کی فورمالته لری منع ایلمشدر .

نتایجی . — بواجتهادک نتایج عملیه سی بوجه آتیدر :

دائن اساس اعتباریه فائضی حجازیده من [ \* ] زیرا بونک ایچون خزینیه Saisie arrêt یا بمسی یعنی رانت صاحبیه فائض تأدییه سندن خزینیه منع ایلمسی لازمدر . لکن کنیدی تحویل و وضع ید ایدیه بیلیر . زیرا بو تقدیرده خزینیه Saisie arrêt یوقدر . مثلاً اگر داین مدیونک اموال منقولیه اوزرینه Saisie exécution وضع ایدوبده اجرا مأموری دخی رانت اوراقی بولورسه اونلری حجازیلر و محکمه بو اوراقک صایلمسی امر ایدیه بیلور اگر رانت اوراقی بر شخص ثالث النده مثلاً بر بانکر نزدنده ایسه داینلر بر Saisie arrêt وضع ایدیه بیلیرلر و محکمه اونلرک فروختنی امر ایدیه بیلور : فی الحقیقه Saisie arrêt اشبو حالده خزینیه دولته قارشو اجرا ایدلمه مشدر .

داینلر کنیدی مدیونلرینه اراثاً انتقال ایله دین رانتلرک لهلرینه فروخت ایدلمسی حقده بر حکم استحصال ایدیه بیلیرلر . اگر رانت اوراقی بر وصیت موضوعی تشکیل ایدیه بیلورسه مدیون اولان وارثلر کنیدی لهلرینه حجز وضع ایتدیره بیلیرلر .

رهن اوله رق رانت اوراقی آلان بر داین آلاجنی استیفا ایچون کذاک بونلری صایدیره بیلیر ، الخ . . .

اداری نظریه . — الیوم عدلیه محاکمی طرفدن صورت صریحه قبول اولان نظریه بودر . مع هذا نه مالیه ناظری ، نه ده شورای دولت بونظریه هیچ بر زمان اشتراک ایتک ایسته مه مشلر و رانتلرک بلا قید و شرط حجز اولنه مامسی فکرنی التزام ایله مکده بولمشلردر . بوندن شو غریب نتیجه حاصل اولورکه محکمه تمیزک طرز اجتهدی آجق حامله محرر اسهام حقنده محل تطبیق بولور . چونکه اشبو اسهام بلا معامله الدن اله انتقال ایلر . بالعکس نامه محرر اولان اسهامک برندن دیکرینه انتقالی ایچون دیون عمومیه منک دفتر کیرنده بر معامله تفرغ ایجاب ایلدیکندن و مالیه ناظری دفتر کیرک محافظی بولندیغندن محکمه منک حکمنه و یا شورانک قرارینه رغماً مدیون اولان رانت صاحبک امضاسی اولمایجه داین لهنه اشبو معامله فراغی اجرا ایله مه مکده در [ \*\* ] او حالده ، حجز اولنه مامق امتیازندن اصل استفاده ایدن نامه محرر رانتلردر .

[ \* ] مع هذا شوراسی سوز کتیرمکه ، قبول ایدیلان اصول نه اولورسه اولسون ، فائض استیفا ایدیلور ایدلر حجز اولنه بیلور . زیرا او وقت شخصیت و خصوصیتی غائب ایدر و مدیونک ثروته قارشمش عادی بر ثروت اولور .

[ \*\* ] یالکیز ، افلاس حالنده و یا رهن ویرلدیکی تقدیرده اشبو رانتلر مستشار .

حجز اوله مامق برنسينك الفاسى . — شوراسنى علاوه ايدلم كه ۶ ، ۷ سنه قانونلرينك صورت تفسيرى نه اولورسه اولسون احكام مخصوصه ايله بواصلدن تباعد ايدلديكى واقعدره . خزينه دولتك اجرا مامورى طرفندن وقوع بولان استدعا اوزرينه اولاً : حسابى هنوز تصفيه و انتاج اولونماش برحاسبه عائد رانتلرك معامله فراغيه سنه ممانعت اولنه بيلور ؛ ثانياً مديون اولان برحاسبه عائد نامه محرر رانتلرك [\*] فائض تاديآتى دخى منع اولنه بيلير ؛ ثالثاً برحاسبه ، برمتعهد ، برملتزم طرفندن تأمينات مقامنده وضع اولان رانتلر اوزرينه دخى حجز وضع ايديله بيلير . فى الواقع اكر حجز اولنه مامق حكمندن مستثنا اولماسه يدى تأمينات مقامنده رانت اوراقلك وضع ايدلمسك برمعناسى اولماز ايدى . ديكر جهتن ضايع ايديلن ويا چالينان حامله محرر رانت صاحبي ده خزينه قارشو حجز وضع ايديله بيلير .

[\*] بوايى تقديرده آنجق نامه محرر رانتلر موضوع بحث اوله بيلير . چونكه حامله محرر رانتلر صاحبك شخصيتى مجهولدر .

[ مابعدى وار ]

عيني زاده حسن تحسين

علم مالى وقوانين ماليه مدرسى